

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը, ամսաթիվը և ժամը՝ ԳԲՔԱ-ԼՕ-2020/85, 22.07.2020թ.

Բողոք բերող անձ՝ «Դավիթ Հովհաննիսյան Հովհաննեսի» Ա/Ձ

Պատվիրատու՝ «Թոքաբանության ազգային կենտրոն» ՊՈԱԿ

Գնման ընթացակարգի ծածկագիրը՝ «ԹԱԿ-ԳՀԱՊՁԲ-20/44» գնանշման հարցում

Գնման առարկան՝ բջջային հեռախոսներ/սմարթֆոնների ձեռքբերում:

Բողոքի պահանջը՝ պարտավորեցնել՝ «ԹԱԿ-ԳՀԱՊՁԲ-20/44» ծածկագրով ընթացակարգի գնահատող հանձնաժողովին և Պատվիրատուին անվավեր ճանաչելու գնահատող հանձնաժողովի կողմից 2020 թվականի հուլիսի 13-ի N7 արձանագրության 7.1 և հուլիսի 16-ի N8 արձանագրության 9.1 կետերը և հրավիրել նոր գների նվազեցման շուրջ միաժամանակյա բանակցություններ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված
բողոքներ քննող անձին
(հասցե՝ ք. Երևան,
Մելիք-Աղամյան փ. 1)

Բողոք ներկայացնող անձ՝
Ա/Ձ «Դավիթ Հովհաննիսյան
Հովհաննեսի»
(հասցե՝ 0014, ք. Երևան,
Կոմիտասի պող. 562, բն. 46,
ՀՎՀՀ՝ 20179887,
«Այրի Բանկ» ՓԲԸ,
h/h 11813012607100
hovhannisyan8118@gmail.com,
077474006)

Պատվիրատու՝ «Թոքաբանության
ազգային կենտրոն» ՊՈԱԿ
(հասցե՝ ք. Արսլան,
Արզնու խճ. 10)

Գնման ընթացակարգի
ծածկագիրը և առարկան՝
ԹԱԿ-ԳՀԱՊՁԲ-20/44,

ՀՀ ԱՆ «Թոքաբանության ազգային
կենտրոն» ՊՈԱԿ-ի կողմից
ԹԱԿ-ԳՀԱՊՁԲ-20/44
ծածկագրով բջջային
հեռախոսներ/սմարթֆոնների ձեռքբերում

ՀՀ ԱՆ «Թոքաբանության ազգային կենտրոն» ՊՈԱԿ-ի (այսուհետ՝
Պատվիրատու) կարիքների համար կազմակերպվել է գնանշման հարցման մրցույթ

սույն թվականի հունիսի 16-ին ԹԱԿ-ԳՅԱՊՁԲ-20/44 ծածկագրով բջջային հեռախոսներ/սմարթֆոնների ձեռքբերման նպատակով: Ընթացակարգին մասնակցելու հայտ է ներկայացրել նաև իմ կազմակերպությունը՝ Ա/Ձ Դավիթ Յուզբախչյանի Ռոմանտիկա: Հունիսի 29-ին ստացել եմ ծանուցում և արձանագրություն այն մասին, որ 01.07.2020թ. տեղի են ունենալու գների նվազեցման շուրջ միաժամանակյա բանակցություններ: Հուլիսի 1-ին, նախապես համաձայնեցնելով Պատվիրատուի հետ, ժամը 11:48 էլեկտրոնային եղանակով, հրավերում նշված էլ-փոստին ուղարկել եմ իմ կողմից գների նվազեցման շուրջ միաժամանակյա բանակցություններին տվյալ պահին առաջարկվող նոր գնային առաջարկ: Հուլիսի 2-ին ստացել եմ Պատվիրատուի արձանագրություն N5 այն մասին, որ տվյալ օրը գների նվազեցման շուրջ միաժամանակյա բանակցությունների ժամանակ մասնակից «Նուրբուր Սթոր» ՍՊԸ-ի (այսուհետ՝ ՍՊԸ) տնօրենը խոչընդոտել է գնահատող հանձնաժողովի բնականոն աշխատանքը, բանավիճելով գնահատող հանձնաժողովի անդամների, քարտուղարի և մյուս մասնակից կազմակերպության «Վեոն Արմենիա» ՓԲԸ-ի ներկայացուցչի հետ: Պահանջել և ստանալով բոլոր մասնակիցների փաստաթղթերը ՍՊԸ-ի տնօրենը հայտնել է կարծիք, որ իմ կողմից առաջարկվող ապրանքը չունի երաշխիքային սպասարկում արտադրողի պաշտոնական սպասարկման կենտրոնում: Հանձնաժողովը որոշում է կատարել կատարել մրցույթի նիստը և ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետև՝ Կարգ) 67-րդ կետով ստուգել իմ կողմից հայտով առաջարկվող «itel» ֆիրմային բջջային հեռախոսների սպասարկման կենտրոնը, հանդիսանում է արդյոք արտադրողի պաշտոնական սպասարկման կենտրոնը: Նույն օրը «ԱԴԴ» ՍՊԸ-ին հարցում է արվում (գրությունը կցվում է)՝ խնդրելով տրամադրել իսկությունը հավաստող փաստաթուղթ, այն մասին, որ «ԱԴԴ» ՍՊԸ-ն հանդիսանում է «itel» բջջային հեռախոսների արտադրողի պաշտոնական սպասարկման կենտրոնը: «ԱԴԴ» ՍՊԸ-ն ծանուցումը ստանալուց 1 ժամ հետո պատասխանում է, որ «Մենք հավաստում ենք, որ ԱԴԴ ՍՊԸ-ն /ՌԵՍՁՈՆ/, հանդիսանում է Itel բջջային հեռախոսների արտոնագրված սերվիս կենտրոն, սակայն հավաստող փաստաթուղթ չունենք, անհրաժեշտության դեպքում կարող ենք մեր գործընկերներին խնդրել տրամադրել այն, բայց գործընթացը ժամանակատար է /մոտավորապես մեկ շաբաթ»: Հուլիսի 3-ին Պատվիրատուն կրկին դիմում է «ԱԴԴ» ՍՊԸ-ին (գրությունը կցվում է) խնդրելով իրեն տրամադրել ՀՀ-ում «itel» բջջային հեռախոսների արտադրողի պաշտոնական սպասարկման կենտրոնը հանդիսանալու վերաբերյալ փաստաթուղթ, որը ստորագրված, կնքված կամ որևէ այլ ձևով հաստատված կլինի արտադրողի կողմից: «ԱԴԴ» ՍՊԸ-ն կապ հաստատելով Պատվիրատուի հետ հայտնում է, որ ունի փաստաթուղթ, որը հրապարակման ենթակա չէ, բայց Պատվիրատուին եթե այցելի գրասենյակ, ապա կարող է տեսնել այդ փաստաթուղթը, որին պատվիրատուն պատասխանել է, որ իրեն անհրաժեշտ է պաշտոնական փաստաթուղթ արտադրողից: «ԱԴԴ» ՍՊԸ-ն տվյալ պահին դիմել է արտադրողին տվյալ փաստաթուղթը ստանալու համար: Հուլիսի 14-ին «ԱԴԴ» ՍՊԸ-ն Պատվիրատուին է ներկայացնում իր կողմից պահանջվող տեղեկատվությունը (տեղեկատվությունը կցվում է): Նույն օրը Պատվիրատուն հրապարակում է արձանագրություն N7 այն մասին, որ «ԱԴԴ» ՍՊԸ-ից արձագանք չի ստացվել և Հիմք ընդունելով Կարգի 45-րդ կետի պահանջները Ա/Ձ

Դավիթ Յովհաննեսի Յովհաննիսյանի տվյալները՝ համապատասխան հիմքերով, սահմանված ժամկետում գրավոր ուղարկել ՀՀ ֆինանսների նախարարություն: Յովհիսի 14-ին կապնվել են հանձնաժողովի քարտուղարի հետ, ով հայտնել է, որ արդեն դուրս է եկել աշխատանքից, հաջորդ օրը կնայի և կպատասխանի: Հաջորդ օրը զանգել և տեղեկացրել է, որ այո ստացել են գրությունը, բայց արդեն ուշ է նոր բանակցություններ են նշանակել և ոչինչ անել չեն կարող:

Գնումների մասին ՀՀ օրենքի 3-րդ հոդվածի 2-րդ կետի 3-րդ ենթակետով սահմանում է, որ ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն: Հոդված 7-ով սահմանում է, որ

1. Ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացի մասնակցելու հավասար իրավունք:

2. Գնումների գործընթացին որևէ երկրի ռեզիդենտ հանդիսացող անձի (անձանց մասնակցությունը կարող է սահմանափակվել միայն Հայաստանի Հանրապետության կառավարության որոշմամբ, եթե դա անհրաժեշտ է Հայաստանի Հանրապետության ազգային անվտանգության և պաշտպանության ապահովման համար:

3. Եթե սույն հոդվածի 2-րդ մասը չի կիրառվում, ապա գնումների կա նախարարակալորման հայտարարության մեջ նշվում է, որ հայտեր կարող են ներկայացնել բոլորը, անկախ նրանց՝ օտարերկրյա ֆիզիկական անձ, կազմակերպություն, քաղաքացիություն չունեցող անձ լինելու հանգամանքից, ընդ որում հայտարարությունը ենթակա չէ փոփոխման: Եթե կիրառվում է սույն հոդվածի 2-րդ մասը, ապա գնումների կամ նախարարակալորման հայտարարության մեջ նշվում է այ սահմանափակման մասին:

4. Արգելվում է սույն օրենքով և դրա հիման վրա ընդունված իրավական այլ ակտեր սահմանված փոխկապակցված անձանց և (կամ) միևնույն անձի (անձանց) կողմից հիմնադրված կամ ավելի քան հիսուն տոկոս միևնույն անձի (անձանց) պատկանող բաժնեմաս ունեցող կազմակերպությունների միաժամանակյա մասնակցությունը գնման միևնույն գործընթացին, բացառությամբ՝

1) պետության կամ համայնքների կողմից հիմնադրված կազմակերպությունների.

2) սույն օրենքի 30-րդ հոդվածի 6-րդ մասով սահմանված մասնակցության դեպքեր|

5. Պատվիրատուի մասնակցությամբ իրավաբանական անձինք գնումների մասնակցում են այլ մասնակիցների հետ հավասար իրավունքով, և ա կազմակերպություններում պատվիրատուի մասնակցության հանգամանքը չի կարող հանգեցնել այդ անձանց համար որևէ արտոնության կամ այլ նպաստավոր պայմանների սահմանմանը և կիրառմանը:

ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետև՝ Կարգ) 67-րդ կետով սահմանում է, որ «Գնահատող հանձնաժողովը կարող է պատճառաբանված որոշման դեպքում ստուգել մասնակցի ներկայացրած տվյալների իսկությունը՝ օգտագործելով պաշտոնական աղբյուրներից ստացված տվյալներ կամ դրա մասին ստանալով իրավասու մարմինների գրավոր եզրակացությունը: Նման հարցում ուղարկվելու դեպքում համապատասխան պետական և տեղական ինքնակառավարման մարմինները հարցումն ստանալու օրվան հաջորդող երկու աշխատանքային օրվա ընթացքում տրամադրում են գրավոր եզրակացություն: Եթե մասնակցի ներկայացրած

տվյալների իսկության ստուգման արդյունքում տվյալները որակվում են իրականությանը չհամապատասխանող, ապա տվյալ մասնակցի հայտը մերժվում է»:

Հաշվի առնելով վերոգրյալը, խնդրում եմ ԹԱԿ-ԳՀԱՊՁԲ-20/44 ծածկագրով ընթացակարգի գնահատող հանձնաժողովին և Պատվիրատուին պարտավորեցնել անվավեր ճանաչելու գնահատող հանձնաժողովի կողմից 2020 թվականի հուլիսի 13-ի N7 արձանագրության 7.1 և հուլիսի 16-ի N8 արձանագրության 9.1 կետերը և հրավիրել նոր գների նվազեցման շուրջ միաժամանակյա բանակցություններ:

Կից ներկայացնում եմ.

- Պատվիրատուի և «ԱԴԴ» ՍՊԸ-ի գրությունների պատճենները (3 գրություն)
- բողոքարկման վճարի անդորրագրի պատճենը,
- ԹԱԿ-ԳՀԱՊՁԲ-20/44 ծածկագրով գնանշման հարցման մրցույթի ընթացակարգի հայտարարությունը,
- Անձը հաստատող փաստաթղթի պատճենը:

Առդիր՝ 6 թերթ:



Դ. Հովհաննիսյան